



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՇՈՒԿԱՅԻ ՎԵՐԱՀՍԿՈՂՈՒԹՅԱՆ ՏԵՍԶԱԿԱՆ ՄԱՐՄԻՆ

Ո Ր Ո Շ ՈՒ Մ N_158

Տուգանք նշանակելու մասին

24.05.2023թ.

ք. Երևան

Քննելով տեսչական մարմնի կողմից 2023թ. հունվարի 09-ի N 25-Ա հրամանով

«ՖԼԵՇ» ՍՊԸ-ում /ՀՎՀՀ՝ 01808789/

Տնտեսվարող սուբյեկտի անվանումը

կատարված ստուգման նյութերը (ստուգման ակտ N 25-Ա կազմված 12.05.2023թ., խախտումների մասին 13.01.2023թ. արձանագրությունը և այլ նյութերը), որոնցով բացահայտվել է որ՝

ՍՊԸ-ն զբաղվում է բենզինի, դիզելային վառելիքի և հեղուկացված ածխաջրածնային գազի մանրածախ վաճառքով ք. Երևան Դավիթաշեն թաղ., Ա. Միկոյան 2 հասցեում: Ստուգումն իրականացվել է 03.01.2023թ. թիվ 700058 համարով ստացված ՀՀ քաղաքացի Արկաղյա Գևորգյանի դիմում բողոքի հիման վրա՝ «Չափումների միասնականության ապահովման ստուգման վերաբերյալ» ստուգաթերթի հիման վրա: 09.01.2023թ. N25-Ա հրամանը ստուգում իրականացնելու նպատակով ներկայացվել է ընկերության տնօրենին և ստուգման ավարտին 13.01.2023թ.-ին արձանագրվել է ընկերության տնօրեն Սանասար Բեգլարյանի կողմից վարչական իրավախախտում կատարելու հանգամանքը:

Ստուգման պահին ընկերությունում օգտագործվող վառելիքաբաշխիչ աշտարակները եղել են ստուգաչափված, ունեցել են ստուգաչափման վկայականներ, ստուգաչափման դրոշմները վնասված չէին, սակայն իրականացված աշխատանքային չափանմուշի միջոցով լիցքավորվող հեղուկացված ածխաջրածնային գազի քանակի և վառելիքաբաշխիչ աշտարակի էլեկտրոնային հանգույցի ցուցիչի համապատասխանության ստուգման արդյունքում 12.01.2023թ.-ին արձանագրվել են շեղումներ: Նյութերը ՀՀ դատախազություն ներկայացնելու և արարքին քրեաիրավական գնահատական տալու նպատակով ստուգման ընթացքը 13.01.2023թ. N31-Ա հրամանով կասեցվել է մինչև կասեցման հիմքի վերացումը, բայց ոչ ավելի, քան 90 աշխատանքային օրով:

Այնուհետև 17.04.2023թ. N269-Ա հրամանով ՀՀ շուկայի վերահսկողության տեսչական մարմնի ղեկավարի 09.01.2023թ. N25-Ա հրամանով ընկերությունում իրականացվող ստուգման ընթացքը վերսկսվել է:

Ստուգման ակտով արձանագրվել է, որ ստուգմամբ ընդգրկվող ժամանակաշրջանում ստուգաչափման վկայականները եղել են ուժի մեջ, միևնույն ժամանակ իրականացվել է ստուգաչափված չափանոթով լիցքավորվող վառելիքի քանակի և վառելիքաբաշխիչ աշտարակի էլեկտրոնային հանգույցի ցուցիչի համապատասխանության ստուգում, որի արդյունքում հայտնաբերվել են շեղումներ՝ առաջին դեպքում վառելիքաբաշխիչ աշտարակի արտացոլած ցուցանիշը կազմել է 10լ., աշխատանքային չափանմուշի արտացոլած ցուցանիշը կազմել է 9.84լ.՝ փաստացի շեղումը կազմել է 0.16լ., որից թույլատրելին կազմում է 0.10լ., թույլատրելի շեղումից պակաս էր 0.06լ., երկրորդ դեպքում վառելիքաբաշխիչ աշտարակի արտացոլած ցուցանիշը կազմել է 10լ., աշխատանքային չափանմուշի արտացոլած ցուցանիշը կազմել է 9.86լ., փաստացի շեղումը կազմել է 0.14լ.,՝ որից թույլատրելին կազմում է 0.10լ., թույլատրելի շեղումից պակաս էր 0.04լ.:

Փաստացի խախտվել է՝ «Չափումների միասնականության ապահովման մասին» ՀՀ օրենքի 6-րդ հոդվածի 3-րդ մասի պահանջները:

Նշված իրավախախտման համար պատասխանատու է՝

Սանասար Բարսեղի Բեգլարյանը

իրավախախտողի անունը, ազգանունը, պաշտոնը

ք. Երևան, Վ. Դավթյան տուն 7.

մշտական բնակավայրը և հասցեն

Իրավախախտում կատարած անձը «Վարչական իրավախախտումների վերաբերյալ» ՀՀ օրենսգրքի 267-րդ հոդվածի համաձայն պատշաճ ծանուցվել է ՀՀ Շուկայի վերահսկողության տեսչական մարմնում 24.05.2023թ.-ին ժամը 11:00-ին կայանալիք վարչական գործի քննության տեղի, օրվա, ժամանակի մասին, սակայն չի ներկայացել և գործը քննվել է նրա բացակայությամբ:

Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածին համապատասխան իրավախախտում կատարած անձի նկատմամբ վարչական տույժը որպես վարչական պատասխանատվության միջոց կիրառելիս հաշվի են առնվել կատարված իրավախախտման բնույթը, նրա անձը, մեղքի աստիճանը, գույքային դրությունը պատասխանատվությունը մեղմացնող և ծանրացնող հանգամանքները:

Ղեկավարվելով Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածի 2-րդ մասով, 33-րդ հոդվածով, 34-րդ հոդվածով, 244.7 հոդվածով, 279-րդ հոդվածով, 281-րդ հոդվածով և 282-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Տվյալ իրավախախտման համար պատասխանատու ճանաչել Սանասար Բարսեղի Բեգլարյանին և քանի որ նա 30.11.2022թ.-ին թիվ 454 որոշմամբ ենթարկվել է վարչական պատասխանատվության 158-րդ հոդվածի 44-րդ մասով, իսկ սույն հոդվածի 44-րդ մասով նախատեսված արարքը վարչական տույժի նշանակման օրվանից մեկ

տարվա ընթացքում կրկին կատարելը առաջացնում է պատասխանատվություն իրավախախտում կատարած անձի նկատմամբ Վարչական իրավախախտումների վերաբերյալ Հայաստանի Հանրապետության օրենսգրքի 158-րդ հոդվածի 45-րդ մասով, Սանասար Բարսեղյանի նկատմամբ նշանակել տուգանք 5 123 509 /հինգ միլիոն մեկ հարյուր քսաներեք հազար հինգ հարյուր ինը / ՀՀ դրամի չափով տուգանք:

2. Տուգանքը պետք է վճարվի **Պետական բյուջե 900005024014 հ/հ:**

3. Տուգանք նշանակելու մասին որոշման հարկադիր կատարումը իրականացվում է «Վարչարարության հիմունքների և վարչական վարույթի մասին» ՀՀ օրենքի 5-րդ բաժնի դրույթներին համապատասխան:

4. Սույն որոշումը կարող է բողոքարկվել ուժի մեջ մտնելու օրվանից երկու ամսվա ընթացքում ՀՀ վարչական դատարան:

ՏԵՍԶԱԿԱՆ ՄԱՐՄՆԻ ՂԵԿԱՎԱՐ՝



ԱՐՄԵՆ ԿՈՏՈԼՅԱՆ